



UNIVERSITÄTS-
BIBLIOTHEK
PADERBORN

Arbor Vitæ Sive Vita Et Doctrina Christi

Ex Quatuor Evangeliiis In Meditationes Quotidianas Velvti Totidem Ramos
Distributa

Illsung, Jakob

Dilingæ, 1693

Meditatio CCLII. Hortatur ad Amorem Dei & Proximi.

[urn:nbn:de:hbz:466:1-60727](https://nbn-resolving.org/urn:nbn:de:hbz:466:1-60727)

prius reconciliari fratri tuo: & tunc veniens offeres munus
 tuum. Matth. 5. v. 23. Ex prohibitione iræ & vindic-
 tæ infert Christus, quòd, si per hanc frater tuus
 te læsus fuerit, illi sine mora sit satisfaciendum. N-
 differas itaque, si opus erit, veniam ab illo petere
 vel alio modo illum placare. Hinc statim subiungit
 Christus v. 25. *Esto consentiens Adversario tuo cito, dum
 es in via cum eo: ne forte tradat te Adversarius Judici,
 Judex tradat te ministro: & in carcerem mittaris. Amen
 dico tibi, non exies inde, donec reddas novissimum quod
 drantem.* Duas proinde rationes ad non differendam
 satisfactionem & reconciliationem cum offensa
 Proximo Christus proposuit; 1. Quia per culpabilem
 moram impeditur omnis alterius boni Operis valor
 & æstimabilitas, & præstat potius oblationem gra-
 tuitam, quàm satisfactionem debitam differri. 2. Quia
 pro dilata satisfactione gravis pæna in carcere Inferni
 vel Purgatorij solvenda erit. Ad quem locum sic
 non est differenda satisfactio debita homini; ita mi-
 nùs est differenda debita DEO. Itaque dum
 in via, dum scilicet ad Supremum Judicem pergitur
 per Pænitentiam & Satisfactionem expunge debita
 tua.

MEDITATIO CCLII.

*Hortatur ad Amorem DEI & Proxi-
 mi. Matth. 5.*

PUNCTUM I. Cùm Perfectio Evangelica toto hoc
 sermone tradita, consistat in perfecto Amore D-

& Proximi; Amor autem DEI in perfecta observantia Mandatorum, Amor Proximi in dilectione etiam inimicorum; ideo ad perfectam observantiam Mandatorum obtinendam hoc medium præscripsit Christus, ut quis tanto in illa studio feratur, quo malitij cuiuscunque sensus oblectamento, & quavis re etiam charissimâ carere, quàm quocunque peccato, & cuiuscunque Mandati transgressione se reum Gehennæ facere: & hoc est, Spirituali modo secundum legitimum, atque à Christo intentum sensum implere allegoriam istorum verborum eius: *Quòd si oculus tuus dexter scandalizat te, erue eum, & projice abs te.* Matth. 5. v. 29. *Et si dextra manus tua scandalizat te, abscinde eam, & projice abs te. Expedi enim tibi, ut pereat unam membrorum tuorum, quàm totum corpus tuum eat in Gehennam.* v. 30. Expendendus est bene hic modus loquendi; significat enim perfectam ac stabilem Custodiam sensuum, & quarumvis Potentiarum animi, ut neque levi periculo, neque levi abusui quis unquam consentiat, veluti si omnino potentiâ peccandi careret. Indicare etiam voluit Christus, si pro peccato mortali evitando deberemus malle perdere membrum charissimum; multò magis perdendum & omittendum esse actum membri peccantis; quem ipsum nemo poneret, si ex eo membrum sciretur inutile reddendum.

PUNCT. II. Ad perfectum Amorem Proximi, qui maximè dilectione inimicorum perficitur, Christus docuit requiri primò, ut quis paratus sit, ab illo etiam multò majora mala perpeti, quàm intulerit; antequam quis vicissim ei malum reddat etiam per judicem, odio & Spiritu vindictæ impulsus. Et hoc sensu dixit Christus: *Audistis, quia dictum est: oculum*

F §

pro

pro oculo, & dentem pro dente. Ego autem dico vobis non resistere malo: sed si quis percusserit in dexteram maxillam tuam, præbe illi & alteram. Et ei, qui vult tecum iudicium contendere, & tunicam tuam tollere, dimitte ei & pallium. Et quicumque te angariaverit mille passus, vade cum illo & alia duo. à v. 38.

PUNCT. III. Secundò ad perfectam dilectionem inimicorum docuit Christus requiri, ut quis non tantum ex odio & vindictâ nullum malum reddat, sed pro malo bonum retribuatur. Hæc enim est Evangelica Perfectio, quâ Christus vult, ut sui Fideles superent imperfectionem antiquæ Legis, & defectus in ea toleratos etiam ab ejus Doctoribus. Ideo dixit: *Audistis, quia dictum est: Diliges Proximum tuum, & odio habebis inimicum tuum* (Si enim Judæi, ut inquit Cornelius à Lapide in Matth. cap. 5. v. 43. perperam interpretabantur illum textum Levit. 19. v. 18. *Diliges amicum tuum, sicut te ipsum; inferentes: ergo inimicus non est diligendus*) *Ego autem dico vobis; Diligite inimicos vestros, & benefacite his, qui oderunt vos: & orate pro persequentibus, & calumniantibus vos, ut sitis Filij Patris vestri, qui in Cælis est, qui Solem suum oriri facit super bonos & malos, & pluit super iustos, & injustos. Si enim diligitis eos, qui vos diligunt, quam mercedem habebitis? Nonne & Publicani hoc faciunt? & si salutaverint fratres vestros, tantum quid amplius facitis? Nonne & Ethnici hoc faciunt? Estote ergo vos perfecti, sicut & Pater vester Cælestis perfectus est. Hanc tibi in omnibus Perfectiōnis tuæ Ideam, Mensuram, & Regulam tepiditatis tuæ oppositam statue.*

